

Klub SDP BiH
Zastupnica Jelena Pekić

Sarajevo, 11.09.2026. godine

ZA:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 214. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Za:
Ministarstvo za odgoj i obrazovanje Kantona Sarajevo

Proširenje programa subvencioniranja produženog boravka na učenike osnovnih škola u kojima nije organizovan produženi boravak.

OBRAZLOŽENJE:

Jedan od programa na koji smo svi ponosni jeste **program subvencioniranja produženog boravka u osnovnim školama u Kantonu Sarajevo**. Ovim putem želim pohvaliti Ministarstvo za odgoj i obrazovanje i Vladu Kantona Sarajevo na kontinuiranom unapređenju ove mjere, koja predstavlja značajnu podršku roditeljima i djeci. Posebno ohrabruje podatak da kontinuirano raste broj škola u kojima je organizovan produženi boravak. Prije četiri godine na području Kantona Sarajevo djelovala su 33 produžena boravka, dok ih danas ima ukupno 52.

Međutim, i dalje postoji određeni broj roditelja čija djeca pohađaju javne, odnosno državne osnovne škole u kojima produženi boravak nije organizovan. Ti roditelji se nalaze u nepovoljnijem položaju jer, ukoliko imaju potrebu za produženim boravkom, moraju koristiti usluge privatnih ustanova i za njih snositi puni trošak. Konkretni izazov predložili su mi roditelji čija djeca pohađaju JU OŠ „Musa Ćazim Ćatić“ Sarajevo, navodeći da u ovoj školi nije organizovan produženi boravak, zbog čega su primorani tražiti alternativna rješenja u privatnim ustanovama.

Smatram da činjenica da u određenoj školi trenutno nije organizovan produženi boravak ne bi trebala biti razlog da roditelji i djeca budu uskraćeni za mogućnost subvencioniranja ove usluge. Zbog toga je potrebno razmotriti mogućnost da se postojeći model dodatno unaprijedi tako da **subvencija prati dijete, a ne isključivo mjesto odnosno model organizacije produženog boravka u konkretnoj školi**, uz jasno definisane kriterije i kontrolu realizacije programa.

S poštovanjem,

Jelena Pekić
Zastupnica u Skupštini Kantona Sarajevo